

欽定四庫全書

子部

外科理例卷四



南京中医药大学图书馆版权所有

詳校官太醫院吏目臣吳尊變

編修臣倉聖脈覆勘

欽定四庫全書

外科理例卷四

和氣

開胃

明汪機撰

結者解散之

欽定四庫全書

外科理例

一人患此未作膿小便秘澁以八正散三劑少愈以小

柴胡加澤瀉山枝木通二劑而消

此憑症也

一老婦腫痛膿未作小便滯肝脉數以加減龍膽瀉肝

湯加山枝黃柏四劑而消

此因症也

一人腫痛發寒熱以荆防敗毒散二劑而止以雙解散

二劑而消

此因寒熱認作外邪處治

一人膿未成大痛服消毒托裡內疎藥不應脉洪大毒

尚在以仙方活命飲一劑痛止又劑而消

此因治不應而處也

一人腫痛日晡發熱以小柴胡加青皮天花粉四劑痛

止熱退以神效瓜蒌散四劑而消

此因症也

一人炊腫作痛大小便秘脉有力以玉蠟散二劑頓退

更以龍膽瀉肝湯四劑而消

此因症因脉而治

一人潰而痛不止諸藥不應診之脉大按之則數乃毒

未解也以仙方活命飲而止又二劑而消

此因症因脉而治

一人潰而痛不止以小柴胡加黃柏知母芍歸四劑少

止更以托裡當歸湯數劑而斂

此因症也

一人服尅伐藥以求內消致瀉利少食以二神丸先止

其瀉以十全大補倍加白朮茯苓數劑而消

此因症也

大抵此症多患于勞役之人亦有內蘊熱毒而生者
須辨虛實及膿成否不可妄投藥餌常見治此概用
大黃之類下之以求內消或膿成令膿從大便出鮮
有見其痊者人多欲內消者恐收之難也若補養氣
血不旬日而收矣若膿既成豈有可消之理再用尅
伐之劑反爲難治

一人不慎房勞患此腫痛以雙解散二服其病即止更以補中湯數劑而膿成針之以八珍湯加五味麥門

柴胡三十餘劑

此因症也

大抵便癰者血疝也俗呼爲便毒言于不便處患之故也乃足厥陰肝經絡及衝任督脉亦屬肝之旁絡也是氣血流通之道路今壅而腫痛此則熱毒所致宜先疎導其滯更用托裡之劑此臨症制宜也

一人年踰四十患便毒尅伐太過飲食少思大便不實

遺精脉微東垣云精滑不禁大便自利腰脚沉重下
虛也仲景曰微弱之脉主氣血俱虛先以六君子二加
破故紙肉豆蔻煎服瀉止食進更以十全大補湯三十
加行經藥十餘劑而消此因脉症也

一人患便毒膿稀脉弱以十全大補湯加五味麥門白
鯁三十劑稍愈更以參耆歸朮膏而平因新婚復發
聚腫堅硬四肢冷脉弱皮寒飲食少思此虛極也仍用
前藥加桂附三劑稍可彼欲速愈自用連翹消毒散

瀉利不止而沒

此因症脉也

一人年踰四十素勞苦患便毒發寒熱先以小柴胡加青皮一服表症悉退次以補中益氣湯加川山甲二劑腫去三四更以托裡之藥五六服膿成刺去旬日而斂

此因症也

夫便毒足厥陰濕氣因勞倦而發用射干三寸同生薑煎食前服得利一二行効射干紫花者是紅花者非

又方

破故紙

牛旁子

微炒

牽牛

炒

大黃

酒拌
服

等分末之每服一兩酒調下

又方 已成膿者

大黃

連翹

各五錢

枳實

三錢

厚朴

甘草節

各二

錢

桃仁

二十
一粒

薑三片分三貼煎服

消毒飲便毒初發三四日可消

皂角刺 金銀花 防風 當歸 大黃

甘草節 瓜蒌仁

等分水酒各半煎食前溫服仍頻提掣項中髮立効

又方

白僵蠶 槐花

爲末酒調服一方加酒大黃

又方

木筆子 大黃 瓜蒌 桃仁 草龍膽

吹咀濃煎露一宿清晨溫服立愈

又方

山梔

大黃

乳香

沒藥

當歸

各半錢

瓜蒌仁

二錢

代赭石

一錢

右作一服煎

一人腫而不潰以參耆歸朮白芷皂角針柴胡甘草節

數劑而潰以八珍湯加柴胡數劑愈

此因症也

一人潰而腫不消且不斂診之脉浮而濡以豆豉灸更

以十全大補湯月餘而愈

此因症也

乳癰一百七

附乳岩
男子乳癰

無乳井

暴怒或兒口氣所吹痛腫者踈肝行氣

腫焮痛甚者清肝消毒

焮痛發寒熱者發散表邪

未成膿者踈肝行氣

不作膿或不潰托裡為主

潰而不斂或膿清者大補氣血

一婦稟實性躁懷抱久鬱左乳內結一核不消按之微

痛以連翹飲子二十餘劑少退更以八珍湯加青皮

桔梗香附貝母二十餘劑而消

此因症因情也

一婦發熱作渴至夜尤甚兩乳忽腫服敗毒藥熱反熾

診之肝脉洪數乃熱入血室以加味小柴胡治之熱

止腫消

此因症因脉也

一婦兩乳內時常作痛口內常辣卧起若急臍下牽痛

以小柴胡加青皮黃連山梔而愈

此因症也

一婦鬱久左乳內結核如杏許三月不消心脉瀯脾脉
大按之無力以八珍湯加貝母遠志香附柴胡青皮
桔梗五十餘劑而潰又三十餘劑而愈

此因情
因脉也

一婦久鬱右乳內結三核年餘不消朝寒暮熱飲食不
甘此乳岩也乃七情所傷肝經血氣枯槁之症宜補
氣血解鬱結遂以益氣養榮湯百餘劑血氣漸復更

以木香餅灸之嘉其謹疾而消

此因症
因情也

一婦膿成不潰脹痛予欲針之令毒不侵展不從又數

日痛極始針湧出敗膿三四椀虛症蜂起幾殆用大

補藥兩月餘始安

此因症也

夫乳者有囊素有膿不針則遍患諸囊矣少壯者得以收斂老弱者多致不救

一婦腫而不作膿以益氣養榮湯加香附青皮數劑膿

成針之旬日而愈

此因症也

一婦右乳腫發熱怠惰嗜卧無氣以動致夜熱尤甚以

補中益氣湯兼逍遙散而痊

此因症也

一產婦因乳少服藥通之致乳房腫脹發熱作渴狀若傷寒以玉露散補之而愈

夫乳汁乃氣血行化在上爲乳在下爲經若衝任脉盛脾胃氣壯則乳汁多而濃血衰則少而淡所乳之子亦弱而多病此自然之理也亦有屢產有乳再產乳無或大便澀滯乃亡津液也

三因論

云產婦乳脉

不行有二有氣血盛閉而不行者有血氣弱澀而不行者虛當補之盛當疎之盛者當用通草漏蘆土瓜